

Broj: 01-08-16-8-1016-1/10
Sarajevo, 17.01.2010. godine

SVIM BUDŽETSKIM KORISNICIMA

Predmet: Instrukcija za unos obaveza u ISFU sistem koje su planirane u Budžetu 2009. godine, a čiji će računi ili konačne situacije biti ispostavljeni u 2010. godini

Ovom instrukcijom se propisuje unos i evidentiranje obaveza-rashoda kroz ISFU sistem, koje su planirane u Budžetu institucija BiH i međunarodnih obaveza BiH za 2009. godinu i za koje su procedure javnih nabavki završene do kraja 2009. godine, a čiji će računi za robe i usluge ili konačne situacije za izvedene radove biti ispostavljeni u 2010. godini. .

Član 2. stav (1) tačka o) Zakona o finansiranju institucija BiH („Službeni list BiH“, br. 61/04 i 41/09) definiše modificiranu računovodstvenu osnovu nastanka događaja u kom se rashodi priznaju u momentu nastanka obaveze. Član 22. stav (4) Zakona o budžetu institucija BiH i međunarodnih obaveza BiH za 2009. godinu („Službeni list BiH“, br. 07/09), definisao je šta može biti osnov za evidentiranje obaveza za rashode na osnovu materijalnih i kapitalnih izdataka.

U skladu sa gore navedenim člancima samo obaveze kod kojih je provedena kompletna zakonom predviđena procedura javne nabavke robe i izvođenja radova i usluga, te kod kojih su zaključeni Ugovori o nabavci robe odnosno izvođenju radova i usluga s odabranim izvođačima, započeti radovi i usluge i stvorene obaveze u 2009. godini, mogu teretiti Budžet institucija BiH i međunarodnih obaveza BiH za 2009. godinu. Sve ostale obaveze za izdatke kod kojih nije provedena zakonska procedura javne nabavke i nisu sklopljeni ugovori u 2009. godini, bez obzira što su bile planirane budžetom za 2009. godinu, ne mogu teretiti Budžet institucija BiH i međunarodnih obaveza BiH za 2009. godinu.

Za one obaveze za koje su sklopljeni ugovori o nabavci roba ili o izvođenju radova ili usluga u 2009. godini, a čije plaćanje će biti u 2010. godini, evidentiranje obaveza u ISFU sistem će se realizovati na sljedeći način:

1. Budžetski korisnik će na osnovu sklopljenih ugovora sa odabranim izvođačima radova i usluga i dobavljačima za opremu i potrošni materijal u Glavnoj knjizi napraviti dnevnik pod datumom 31.12.2009. godine, kojim će teretiti Budžet institucija BiH i međunarodnih obaveza BiH za 2009. godinu na način da će teretiti odgovarajući konto klase 8 ili klase 6 (u zavisnosti o tome da li se radi o materijalnim ili kapitalnim izdacima), a odobrit će se analitički konto 391292 – Razgraničeni rashodi za nabavku roba i usluga.
2. U 2010. godini, kada budu stizale privremene situacije i računi za plaćanje, budžetski korisnici će u modulu AP unositi te situacije ili račune za plaćanje na način da će stvoriti obavezu za iznos situacije ili računa za plaćanje na analitičkom kontu 311111

- Obaveze prema dobavljačima, a za isti iznos će se teretiti konto 391292 – Razgraničeni rashodi za nabavu roba i usluga.
3. Ukoliko po završetku tih radova i usluga ili po završetku nabavke robe ne dođe do potpunog zatvaranja konta 391292 – Razgraničeni rashodi za nabavku roba i usluga, eventualni ostatak će se oprihoditi na kontu 735111 – Vanredni prihod i predstavljat će vanredni prihod institucija BiH.

S poštovanjem,

MINISTAR

Dragan Vrankić,sr.